



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 54. De Resurrect & appar. Matri facta.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

MEDITATIONVM. 343

5. Latebant sancti Patres in tenebris, sed cum spe desiderioque Saluatoris, idcirco promeruerunt, vt visitarentur & liberarentur. Ita nos cum versamur in tenebris tentationum, aut desolatione spirituali, non amittamus confidentiam; verum cum desiderio recurramus ad Christum, & sine dubio ab ipso visitabimur & consolabimur.

6. Supportemus in patientia omnes molestias & misérias, quantumuis magnas in seruitio Dei, seminantes in lachrymis opera nostra: cum simus certi, quod in alia vita metemus cum exultatione, & colligemus fructum copiosum, sicut Christus recollegit ex passione sua, liberando tot animas cum magna consolatione.



MEDITATIO LIV.

DE CHRISTI RESURRECTIONE ET APPARITIONE

PRIMA MATRI FACTA.

PVNCTA MEDITATIONIS.

- I. Elapso Sabbatho, valde mane, tres *Mat. 28*  
Mariae venerunt ad monumentum *Mar. 16.*  
portantes aromata. *Luc. 24.*
- II. Illis sollicitis facto terra motu, apparuit Angelus, reuoluens lapidem ab ostio monumenti. *Ioan. 20*
- III. Illis introeuntibus ac stupentibus dixit Angelus: ne timerent ipsa, IESVM quarentes, qui surrexisset.

## FIGURÆ.

*Iona* 2. 1. **P**ostquam fuisse Ionas in ventre piscis tribus diebus & tribus noctibus, projectus est in aridam.

*Indie* 16. 2. Dormiuit Samson in ciuitate Gaza, & ab inimicis circumdatus, inde conlurgēs apprehēdit ambas portas, & exiuit.

## PROPHETIÆ.

*Psal.* 3. **E**GO dormiui, & soporatus sum, & exsurrexi, quia Dominus suscepit me.

*Psal.* 15. Quoniam non derelinques animam meam in inferno, nec dabis sanctum tuum videre corruptionem, notas mihi fecisti vias vita.

*Psal.* 29. Conuertisti planctum meum in gaudium, concidisti saccum meum, & circumdedisti me latitia.

*Psal.* 56. Exurge gloria mea, exurge psalterium, exurgam diluculo.

*Psal.* 70. Quantas ostendisti mihi tribulationes, multas & malas, & cōuersus viuificasti me, & de abyssu terra iterum reduxisti me.

*Osea* 6. Viuificabit nos post duos dies, in die tertia suscitabit nos.

*Mich.* 7. Ne lateris inimica mea super me, quia tecum consurgam cum sedero in tenebris.

## DOCUMENTA.

1. **T**RES illæ sanctæ mulieres licet plurimum dilexerint Dominum, & vngere illius sanctissimum corpus, fuerit opus sum.

summæ caritatis : nihilominus propter obedientiam legis, abstinuerunt à tali opere, die Sabbathi. Ita nos abstinere debemus non solum ab operibus malis, sed sæpe ab iis quæ nobis apparent bona & sancta, si obedientia ob bonum aliquem finem ita iubeat.

2. Si terra ad præsentiam Angeli intremuit, qui venerat annuntiare hominibus noua tantæ consolationis : quantum putamus tremet ad præsentiam Christi, quando totus terribilis venerit iudicare & punire peccatores?

3. Sanctæ mulieres summo mane ibant cum aromatibus ad sepulchrum ; beati illi sunt qui consecrant principium vitæ suæ Christo Domino : incipientes ei deservire à iuuentute sua. Nam dubio procul tales ipsum inuenient, iuxta illud quod dicitur. *Qui mane vigi-* Prou. 8.  
*lant ad me, inuenient me.*

4. Sanctæ mulieres, interim dum pergerent ad yngendum corpus Domini, inceperunt dubitare, num possent reuoluerè lapidem ab ostio monumenti, sed nihilo secius pergentes, inuenerunt reuolutum ab Angelo. Lapis iste, grauitas & difficultas pœnitentiæ est, quam considerantes illi, qui nouiter relinquentes mundum, sequuntur Christum, timent ne non possint perseverare. Sed non debemus diffidere, nec retrocedere : si enim perseverauerimus, vt hæ mulieres, Deus submittet gratiam Spiritus sancti de cælo, quæ reddet iter planum, & faciet suauem & facilem omnem difficultatem.

5. Mulieres euntes ad præstandum hoc sanctum opus, etsi nossent quantus esset lapis, qui occludebat sepulchrum, & quam exiguas ipsi haberent vires, nihilominus con-

identes Deo, commiserunt se itineri, & appropinquantes cognouerunt lapidem esse reuolutum, & Christum resurrexisse: Ita nos in operibus diuini seruitij, & auxilio proximis impendendo, quamuis maximæ occurrant aduersitates & impedimenta, non debemus absterreri, sed confidentes diuinæ gratiæ pergere: Deus enim sua ope, dabit nostris conatibus felicem successum, siquidem ad laudem sui nominis fuerint suscepti.

6. Sepulchrum, in quo iacebat corpus Christi, designabat: altare Domini in quo mysterium corporis & sanguinis conficitur. Unde qui dignè ad hoc accedere desiderant, debent, vt illæ tres sanctæ foeminae, habere secum aromata odorifera virtutis & suaue virgulentum orationis.

7. Angelus custos sepulchri, suo terribili aspectu exterruit ministros Iudæorum, & blandis verbis sanctas mulieres, quæ quærebant Saluatorem, est consolatus. Ita boni prelati & Sacerdotes, qui sunt Angeli Dei, debent seueritate incutere terrorem obstinatis, & extinguere peccati venenum, honesta verò & suaui conuersatione, amanter animare poenitentes, & confirmare bonos in virtute.

8. Interim dum mortuus iaceret in sepulchro Christus Dominus, lapide monumentum erat occlusum, postquam verò resuscitatus est, accessit Angelus & renoluens lapidem, sedebat supra eum. Oremus Deum, vt postquam exiimus e sepulchro peccati, ipsius sancta gratia sedeat & contineat sub se petram repugnantis nostræ carnis, quæ dum nos mortui iaceremus in sepulchro, suppresserat, & sub se continebat spiritum nostrum.

9. Christus postquam resuscitatus est, reliquit

quit sepulchrum, nec diutius hæsit ibi, vt Angelus dixit mulieribus: Si nos postquam resuscitati fuerimus ad vitam gratiæ, adhuc quæserimus solatium sensuum, neque vitæ ueræ occasiones peccati, nondum plenè reliquimus foetorem sepulchri, nec verè cum Christo resurreximus.

10. Dominus non peruenit ad gloriam resurrectionis suæ, nisi per asperitatem flagellorum, & amaritudinem fellis, & per ignominiam crucis: Ita non existimemus nos peruenturos ad gloriam cœlestis patriæ nisi per huius vitæ tribulationes, & molestias temptationum.

11. Christus resurgens ex mortuis vnà cum sepulchro reliquit conditiones corporis terreni, & se vestijt dotibus corporis gloriosi, nempe claritate, impassibilitate, agilitate, & subtilitate. Ita nobis si verè cum Christo uelimus resurgere, non sufficit reliquisse mundum, & quod simus exuti operibus hominis antiqui, sed debemus uestiri de nouo, nempe Christo Domino, & ipsius gloriosis dotibus, ac primo debemus habere claritatem, hoc est, prælucere proximis exemplo humilis & sanctæ conuersationis. Secundo debemus esse impassibiles, per mortificationem sensuum & affectuum nostrorum. Tertio debemus esse agiles, id est, prompti & solliciti in operibus diuini seruitij. Ultimo necessaria nobis est subtilitas, imitando puritatē angelicam per munditiam cordis & corporis, & eleuando continuo mentem ad Deum in oratione.